

4. maj

UPA2016/122

Matumuuna Inatsisartut aalajangiiffigisassaannik siunnersuuteqarpunga, Naalakkersuisut peqquneqassasut kingusinnerpaamik juni 2016-p ingerlanerani Inatsisartuni partiit isumagatigiinniareerlugit saqqummiutissagaat, innuttaasut inuunermut ulorianaateqarsinnaasunik nappaateqartunut ilaquaasut 2017-miit danmarkimi napparsimasut angerlarsimaffianni akeqanngitsumik najugaqarsinnaanissaannut aqqutissiuussissallutik.

(Inatsisartunut ilaasortaq Mimi Karlsen, Inuit Ataqatigiit)

Siulittaasoq! Inatsisartunut ilaasortat!

Siumumiit Inatsisartunut ilaasortap Mimi Karlsenip Kalaallit peqqissartut illuanni Inuunermut ulorianaatilimmik napparsimatilluni najugaqartarsinnaanerisa akeerutsinneqarnissaannik siunnerutaanut imaattumik oqaaseqassaagut:

Siumumiit pingaartilluinnagaraarput inuup peqqissutsikkut illersugaanera, tassanilu aamma ilaavoq inuit inuunermut ulorianaateqarsinnaasumik nappaatsillik katsorsarneqarnissaannut katsorsaanissamik pisussaaffeqarneq.

Taamatuttaaq Siumumiit upperaarput napparsimasoq qanigilluinnakkaminik ilagisaqarluni katsorsartinnermini sukkannerusumik katsorsinnaasoq aammalu nukitunerulluni inissisimasartoq. Ilaquattammi qanigisalluunniit allat annikillionermi annertoqququtiginissaat pingaaruteqarluinnartutut isi-gaarput.

Uani Siumumiit erseqqissassavarput, siunnersuuteqartoq ima paasigatsigu, taassumanik Kalaallit peqqissartut illuanni najugaqarsinnaaneq kisimi eqqartorneqartoq tassanilu ineeqqami katsorsartittup najugaani sinifimmik ilisilluni pisinnaaneq periarfissaareersoq akeerutsinneqassasoq. Ilaatigummi ilisimaneqarpoq Kalaallit peqqissartut illuanni inissaarutsillugu akunnittarfinnut inissisariaqartarneq, taamaattoqartilluguli siunnersuuteqartoq paasivarput ilangunniannngikkaa.

Naalakkersuisut allannguutissatut siunnersuuteqarput, tassani Kalaallit peqqissartut illuanni inissit-tunut tamanut periarfissaq atuuttussanngorlugu siunnersuuteqarlutik.

Siumumiit pingaartillugu oqaatigissassavarput, katsorsarneqartariaqartoq salliunneqartuartartariaqartoq Taamaattumillu ataatsimiitsitaliami suliarineqarnissaanut eqqumaffigeqqussavarput inissamik pisariaqartitsineq aallaavigalugu nalilersuisoqarnissaa Siumumiit kissaatigatsigu.

Taamatut oqaaseqarlunga

Siumumiit siunnersuut aammalu Naalakkersuisut siunnersuutaat ataatsimoortillugit ataatsimiititali-
ami susassaqartumi suliarineqarnissaat inassutigaarput.

Ineqi Kielsen
Siumut